

UNIVERZITET U TUZLI
FAKULTET ELEKTROTEHNIKE



Strukture podataka

Stack/queue

Zadaća 4

Tuzla, maj/svibanj 2022.

Sadržaj

Sadržaj	2
Zadatak 1:	3
Zadatak 2:	3
Zadatak 3:	3

Zadatak 1:

Implementirati postfix kalkulator sa cijelim brojevima i sa osnovnim operacijama (+, -, *, /).

Postfiksna notacija ili postfiksni sistem oznaka je matematička notacija u kojoj svaki operator slijedi nakon svih svojih operandata, te je poznatija kao obrnuta poljska notacija (ili samo RPN od eng. *Reverse Polish notation*). Objašnjenje i upute za implementaciju ovog kalkulatora možete pronaći na http://hr.wikipedia.org/wiki/Obrnuta_poljska_notacija.

Ovu implementaciju realizovati u klasi *PostfixCalc*. Unos operandata i operatora se vrši preko standardnog ulaza, argumenti na ulazu u razmaknuti praznim mjestom i osnovnih operacija (jedan karakter) i cijelih brojeva (više cifara). Svaka linija ulaza predstavlja jedan matematički izraz, za koju se ispisuje rezultat izraza ili informacija o grešci.

Zadatak možete riješiti korištenjem kontejnera iz standardne biblioteke.

Zadatak 2:

Haris nastavlja raditi na svom novom programskom jeziku, boltić. Program u boltiću može sadržavati samo zagrade svih vrsta:

- uglaste zagrade < > ,
- oble zagrade () ,
- uglaste zagrade [] ,
- vitičaste zagrade { } .

Program koji sadrži samo zagrade, da bi se uspješno kompajlirao, mora imati sve zagrade pravilno umetnute. Da bi izraz bio pravilan, svaka otvorena zagrada mora imati svoju uparenu zatvorenu zgradu, te se mora poštovati hijerarhija zagrada.

Na žalost, kompajler koji Haris pravi još uvijek ne može reći koji izraz u program ima pogrešno umetnute zagrade već jednostavno ne prihvata nepravilan program. Pomozite Harisu da napravi program koji će odrediti koji izraz nije pravilan.

Zagrade poštuju hijerarhiju: uglaste zagrade <> su najviše unutrašnje zagrade, pa onda oble () , pa onda uglaste [] pa onda vitičaste { } . Drugim riječima, vitičasta zagrada ne može biti otvorena unutar nekog drugog tipa zagrada. Uglaste zagrade [] ne mogu biti otvorene unutar obli () ili uglastih <> zagrada, ali može biti otvorena unutar vitičastih zagrada. Oble zagrada ne može biti otvorena unutar para uglastih zagrada <> .

Potrebno je učitavati linije sa standardnog ulaza, gdje svaka linija predstavlja jedan izraz. Karakteri na ulazu su neki od '[] () { } < >' . Na izlazu treba ispisati samo „dobar” ili „pogrešan”. Program se završava tako što pročitamo sve karaktere sa ulaza, odnosno kad korisnik završi unos slanjem EOF karaktera (ctrl+d na Linuxu ili ctrl+z na Windowsu).

Zadatak možete riješiti korištenjem kontejnera iz standardne biblioteke.

Zadatak 3:

Napisati program koji predstavlja upravljanje bankovnim računom. Prilikom pokretanja programa, korisniku se ispisuje sljedeći meni:

```
*****
Actions:
    1. New transaction
    2. Apply transaction
    3. Pending transaction
    4. Discard pending transaction
    5. Ballance
    6. Exit
Your choice? █
```

- Dodavanje nove transakcije ne vrši promjenu stanja računa. Transakcija se sprema za naknadno apliciranje te u sistemu može postojati beskonačno transakcija koje čekaju na apliciranje.
- Transakcije se apliciraju poštujući redoslijed dolaska transakcija.
- Korisnik ima opciju pregleda transakcije koja je spremna za apliciranje, odbacivanje naredne transakcije te ispisa trenutnog stanja računa
- Program mora voditi računa o graničnim slučajevima kao što je odabir opcije za apliciranje transakcije kada u sistemu ne postoje transakcije.
- Jedna transakcija je opisana pomoću vrijednosti koja se dodaje/uklanja sa računa, datum i vrijeme.

Zadatak možete riješiti korištenjem kontejnera iz standardne biblioteke.

Zadatak 4:

Implementirati generičku data strukturu queue/red, koja je implementirana koristeći pristup cirkularnog buffera koji je rađen na predavanju.

Metode koje kontejner treba podržavati su sljedeće:

- konstruktor koji prima maksimalni broj elemenata koji se može smjestiti u cirkularni buffer,
- standardni skup konstruktora i destruktora,

- metod push koji dodaje element na kraj reda. Ovaj metod zna prepoznati move semantiku. Ukoliko nije moguće dodati element u red, potrebno je baciti iznimku tipa `out_of_range`.
- metod pop koja vraća prvi element iz reda po vrijednosti, i uklanja ga iz reda,
- metod front i back, zajedno sa `const` overloadima,
- metode `size`, `capacity` i `empty`.

Zajedno sa data strukturom predajete i `main.cpp` file koji demonstrira korištenje metoda iz zadatka.